

pendiorum perit Germanis, Anglis, Danis, & Polonis? *Gi.* Plurimum haud dubie, & quidem non sine gravi tum valetudinis tum ingenii detrimento. *Fa.* Sed quid obstabat, quominus tibi sufficeret ille victus? *Gi.* Quia diversis assueveram; & serum jam erat mutare consuetudinem: quanquam me non tam offendeat ciborum exiguitas, quam corruptio. Duo ova poterant sufficere, si fuissent recens nata: vini cyathus erat satis, nisi pro vino daretur fæx vapida: dimidium panis aluisset, nisi pro pane daretur argilla. *Fa.* Adeone sordidum esse Antronium in tantis opibus? *Gi.* Arbitror censum illius non fuisse infra octoginta ducatorum millia. Nec ullus erat annus quo non accederet lucrum mille ducatorum, ut dicam parcissime. *Fa.* Sed juvenes illi quibus hæc parabantur, num eadem utebantur parsimonia. *Gi.* Utebantur, sed domi duntaxat; foris liguiebant, scortabantur, ludebant aleam: cumque pater in gratiam honestissimorum convivarum gravaretur teruntium impendere, juvenes interdum una nocte sexaginta ducatos perdebant alea. *Fa.* Sic perire solent quæ sordibus corraduntur. Verum è tantis periculis incolumis, quo nunc te confers? *Gi.* Ad vetustissimum Gallorum contubernium, sarturus quod illic dispendij factum est.

Exequiæ seraphicæ.

* THEOTIMUS, PHILECOUS.

Ph. **U**Nde nobis Theotimus, nova religionis facie? *Th.* Quis sic? *Ph.* Quia severa frons,

Theotimus] Qui Deum veneratur & colit.
Philecou, audiendi cupidus fama investigator.